

4  
TENTAMEN MEDICUM

INAUGURALE

DE

VARIOLA.



Digitized by the Internet Archive  
in 2016

<https://archive.org/details/b24928641>

TENTAMEN MEDICUM  
INAUGURALE,  
DE  
VARIOLA;

QUOD,

ANNUENTE SUMMO NUMINE,  
Ex Auctoritate Reverendi admodum Viri,

D. GEORGII BAIRD, SS.T.P.  
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu, et  
Nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

Eruditorum examini subjicit

DANIEL PROUDFIT,

*Civis Reipublicæ Novi Eboraci:*

COLUMB. SOCIET. NOV. EBORAC. SOC.

NEC NON

SOCIET. AMER. MED. PHILADELPH. SOC. EXTR.

NEC NON

SOCIET. AMER. PHYS. EDIN. SOC. EXTR.

---

*" Tristis haud illa monstrum, nec sevir ullus  
" Pestis et ira Deum Stygiis sese extulit undis."*

VIRG.

---

Ad diem 24. Junii, hora loquæ solitis.

EDINBURGI:

EXCUDEBAT ADAMUS NEILL CUM SOCIIS.



JOANNI PROUDFIT, ARMIGERO, S. P. D.

DANIEL PROUDFIT.

Causæ, FRATER carissime, cur hoc opusculum tibi dicem, revera multiplices sunt. Cum vero numerosiores sint, quam quæ, hoc in loco, possint commemorari, eas silentio prætereundas duxi. Tantas vero esse paginam confitear oportet, quantæ mihi e memoria nunquam excident, et me te, per totum vitæ decursum, non tantum pro FRATRE generoso, sed pro vero caroque amico esse habiturum.

Valetudine commodissima, summa felicitate, et omni solatio, quod vita præsens viro digno potest suppeditare, per longissimum annorum spatium, frui pergas.

VALE.

*Edinburgi, idibus Junii, dabam.*



# DISSERTATIO MEDICA.

## INAUGURALIS,

### DE

## VARIOLA.

---

**N**ULLUS morbus est, qui attentionem medicorum in se magis convertit, quam variola, et forsitan non alius est, qui exitum magis dirum funestiozemve habuit. Igitur omnis medicus, qui salutem et felicitatem humanam consulere cupit, in naturam ejus accuratissime inquirere debet.

Ex quo hic morbus in Europa sese ostendit, tantam diversis temporibus stragem edidit, ut de ea, in momentum etiam, cogitare, mortales summo horrore non afficere non possit.

A

Per

Per secula multa, in nationes diversas, quæ orbem terrarum tenent, magnopere sæviit, et medicamentis efficacissimis parere recusavit, a tempore Arabicorum medicorum, RHAZIS, AVICENNÆ, et HALLI-ABBI, ad seculum SYDENHAMII usque ; cui solertia ingenii naturalis et sagacitas in viam morbo medendi longe aliam procedere, et ad regimen antiphlogisticum decurrere persuaferunt. In dedecus vero ævi, cui talem tantumque virum videre contigerit, memoretur necesse est, eum nihil aliud a demonstratione ingenii tam manifesta, quam contumeliam et ludibrium, licet praxis ejus mortales, plerisque in exemplis, felicissime conservaverit, cepisse.

In qua regione, aut quo tempore, variola primum apparuerit, ex toto ignoramus ; et labores scriptorum, qui animum ad hanc rem investigandam attenderunt, nihil omnino luminis ei offuderunt. Hoc vero saltem compertum habemus, morbum partes Europæ, vel Magnæ Britanniae, occidentales, seculo undecimo vel duodecimo labente, infestare consuevisse.



viffe. Quin etiam verifimile eft, hunc morbum, ab Arabia in Europam fuiſſe inveſtum; nam e monumentis medicinæ diſci poteſt, ſævitiem ſuam in Arabes, per multa ſecula, antequam incolis Europæ fuit notus, exercuiſſe. Denique regimen antiphlogiſticum, quod a medicis Arabicis, RHAZI, AVICENNA et HALLI-ABBI, in curatione huiusce morbi, in uſum fuit revocatum, cur nomina eorum veneratione conſtanter proſequamur, in cauſa eſſe debet.

Variola morbus eſt, qui a contagio ſingulari proficiſcitur, et ab <sup>multis</sup> omnibus morbis, qui originem a contagione deducunt, hoc evidentiffime diſſert, quod corpus humanum, per totum vitæ decurſum, ſemel tantum afficit. Quæ huic opinioni adverſari exiſtimantur, ea omnia fabuloſa eſſe videntur, et nulli fundamento ſtabili innituntur. Igitur quicquid operæ in hoc auctores poſuerunt, id eo contemptu, quem probe meretur, eſt accumulandum.

Effluvium ab iis oriundum, qui variola conſiſtantur, vel qui eadem extincti fuerunt, typhum excitare poſſe haudquaquam inficior. Immo mihi animus inclinatur, ut virus varioloſum

sum, quod e corporibus morbidis emanat, effectum hujuscemodi edere ex toto credam. Qui juvenes in cadaveribus eorum, qui, in No-  
focomio Edinensi, hoc morbo fuerunt rapti, incidendis fuerunt occupati, ii in typhum illa-  
bi periclitabantur, et vita eorum non raro in  
summum periculum fuit adducta \*.

Nulla anni tempora certa, ut hic morbus epidemice graffetur, facere posse videntur. Il-  
lustrissimus tamen SYDENHAMIUS memoriae prodere non dubitat, variolam non abnormem, aut modice mitem, sub æquinoctium vernum, sese ostendere solere †; sed mihi persuasum ha-  
beo, variolam, et solitam et anormalam, omni-  
bus, quotquot sunt, anni temporibus, invadere posse. Me judice vero, admodum probabile esse videtur, et variolam et reliquos morbos, qui febriles appellantur, a statu cœli singulari pendere. Mihi quidem volupe est notare, vi-  
rum jure quidem clarissimum Doctorem GRE-  
GORIUM in hanc eandem sententiam conces-  
sisse, cum in prælectionibus suis, quam frequen-  
ter

\* Vid. Doc. WALK. Tract. de Variola.

† Vid. Tom. Prim. pag. 151.

ter, et unde febres contagiosæ oriantur, exponit.

Vir illustris VAN SUI TENIUS testatur, variolam, in tempus diuturnum, Viennæ invaluisse; sed modo leniter, modo graviter grassatam fuisse. Doctor SYDENHAMIUS memoriæ postcروrum tradit, variolas, quæ mense Januarii oriuntur, a typo communi deflectere, et mortalibus summo exitio nonnunquam esse\*.

Insuper variola, temporibus anni calidissimis, omnia sua signa leniora et mitiora habet; et, contra, multo plus gravitatis, mensibus hiemalibus, et vice versa, ostendere solet. Hinc non solum morbus, pro rata parte, frequentius accedit; violentia vero ejus magnopere intendi videtur, et etiam a conditione cœli singulari pendere vulgo existimatur. Et nullus forsitan morbus est, qui contagionem suam cum corporibus facilius communicat, quive aëra, orbi terrarum circumdatum, magis corrumpit et inquinat.

Quanto temporis spatium, contagium corpori applicatum morbum moveat, perquam incertum

tum esse videtur. Vir doctus vero RUTHERFORDIUS pater, ubi in prælectionibus suis, de usu medicinæ practico, hunc morbum exequabatur, quo spatium verum, quo contagio variolæ naturalis effectus suos febriles edat, pro certo comperiretur, quod sequitur memoriæ posterorum tradidit, catervam militum, per vicum, ubi variola epidemice grassaretur, iter facientem, signa contagii, quo fuerant imbuti, ab duodecimo ad decimum quintum diem usque, ostendisse\*. Hoc vir clarus inductus tempus, modo commemoratum, pro solito habebat. Quinetiam Doctor GEORGIUS FORDYCE, in cujus observationibus summa fiducia collocari potest, in eandem sententiam concessit, exemplis nonnullis, quæ viderit, motus †.

Hæc doctrina vero, non fundamento stabili et inconcusso inniti videtur; namque de veritate ejus, inter summos viros, nondum ex toto convenit. Eruditissimus GREGORIUS filius asserere non dubitat, contagionem variolosam, corpori admotam, vim suam febrilem, a tertio die,

\* Vid. Lond. Med. Transf. pag. 5. Ann. 1793.

† Vid. Loc. citat.

die, ad decimum quintum usque, ostendere posse. Insuper in eos, qui, dum pus variolosum illis inferitur, magno terrore afficiuntur, maturius agere videtur; et effectus, si fides opinioni vulgari habenda, magis exitiales edit.

Exemplum, quod subsequitur, me iudice, quam parum regulariter contagio variolosa, corpus in humanum, agat, probare videtur.

Ad puerum arcessitus sum, cujus pater mihi dixit, se eum variola correptum esse putare; namque puerum, qui, in vicinia, hoc morbo laborabat, et postea eodem extinctus est, ante dies novem decemve, inviserat. Multas papulas exiguas, in facie præsertim, et in reliquis quoque corporis partibus, conspexi, quæ variolosas plurimum retulerunt; sed maculæ abnormes inter eas, hic illic, intercedebant. Febris non modica fuit, nonnihil fitis eum infestavit, et tremores inusitatissimi in somnum illapsurum invaserunt, qui eum quoque, in gremio materno, oculis apertis, decumbentem, occupaverunt, adeo ut convulsiones graviores accessuræ esse viderentur. Hæc signa in causa fuerunt, cur morbum variolam esse

esse crediderim, et usum aëris frigidi purique, purgationem alvi leniorem, potionem frigidam, vel acidum vegetabile dilutum dulcedue redditum, præceperim.

Cum die proximo fuisset reversus, me morbum ab omnibus aliis secernere valiturum esse sperans, summa admiratione fui affectus, cum eruptionem nihil mutationis omnino, per spatium totum viginti quatuor horarum, subisse comperi. Et quidem, in eodem statu, per quinque vel sex dies, cum omnibus signis supra comprehensis, mansit, et deinde pustulæ evanuerunt; sed febris, nulla ex parte, lenita est. Iterum arcessitus sum, et, summo cum gaudio, pustulas, quæ revera variolosæ fuerunt, corpus in universum semet diffudisse notavi. Hoc autem die sexto, postquam eruptio proxima decesserat, incidit. Puer, in præsentia, pustulas plurimas, sed discretas, et bene repletas, habet; et eum, pauculis diebus, ex hoc morbo graviore emerfurum esse confido.

Ex hoc exemplo universo, morbum pueri primarium a contagione variolosa ortum deduxisse,



duxisse, clare constabat. Ex quo morbus primum apparuit, donec vera variola semet ostendit, sedecim vel septemdecim dies elapsi sunt, et, per totum tempus, febris urgebat.

Veram morbi diagnofin, sub initia, tradere in primis difficile fuit; sed eventus, ad extremum, votis respondit. Causas vero infolitorum phænomenorum exponere non possum, et nulum exemplum ei fimile unquam vidi aut audivi.

### DEFINITIO MORBI.

“ Synocha contagiofa, cum vomitu, et ex  
“ epigaftrio preffo dolore: Tertio die incipit,  
“ et quinto finitur, eruptio papularum phleg-  
“ monodearum, quæ, fpatio oâto dierum, in  
“ fuppurationem, et in cruftas demum, ab-  
“ eunt; sæpe cicatrices depreffas, five foveo-  
“ las in cute relinquentes\*.”

Quantum ad variolam difcretam attinet, ea  
“ puftulas paucas, difcretas, circumfcriptione  
B “ circulares,

\* Vid. CUL. Synop. tom. xi. pag. 132.

“circulares, turgidas, habet, et febris, eruptione facta, protinus cessat.”

Quod vero Variolam confluentem spectat, ea “pustulas numerosas, confluentes, circumscriptione irregulares, flaccidas, parum elevatas, habet, et febris, post eruptionem, persistat.”

## HISTORIA.

Antequam febris variolosa semet in conspectum dat, non raro languorem, inertiam, anxietatem, et magnum inquietudinis gradum, queritur ægrotus; quod, ut membra corporis frequenter distendat, oscitetur molestiamque sentiat, facit. Et his signis adjunguntur, frequenter, dolores obtusi, in ossibus, et in diversis aliis corporis locis, ut dorso, lumbis, &c. alte siti, qui morbum appropinquare testantur.

Morbus a rigore et horrore incipere consuevit, qui sæpissime, circa meridiem, accedunt. Hos brevi excipiunt, dolor capitis vehemens, febris, et ea quæ eum constanter comitantur,  
cutis



cutis calor, lingua arida et ficca, et fitis immodica. Pulsus arteriarum frequentes, duri, validi et pleni evadunt.

Ægrotus interdum magnopere ægrotat, et multum molestiæ sentit. Ventriculus ei sæpe numero perturbatur, et dolor acutissimus in regione epigastrii æque frequenter oritur, potissimum si pressuræ fuerit objecta; et hunc aliquando nausea et vomitio subsequuntur. Spiritus sæpe acceleratur, et accedunt oppressio et sensus ponderis sub sternone, et singultus.

Quidam adulti, si in lecto decumbitur, ad sudandum proclives sunt; et infantes, inter dormiendum, tremoribus nonnunquam corripiuntur, immo non raro, convelluntur. Hoc etiam speciem hujusce morbi mitissimam, quibusdam in casibus, præcedit, cujus nonnulla exempla vidi.

Ægrotantes in lecto multum cubare cupiunt, et interdum signa stuporis et comatis evidentia ostendunt. Hæc signa, ut jam fuit comprehensum, in tres quatuorve dies, magis minusve vehementia,

signe aliquod discrimen in statu signorum præ se aut fert, aut ullam aliam medendi rationem nobis suadet.

## DIAGNOSIS.

Tres morbi sunt, a quibus forte medicus, quamvis peritus, *Pneumoniam* primo aspectu haud facile distinguere poterit, *Hepatitis* nempe, *Peripneumonia notha*, et inflammatio cordis. Si tamen cognitum primum fuerit, quae horum morborum vera sint indicia, quae partes sint affectae, quo corporis habitu, quave aetate sit laborans, facilis et expedita erit distinctio.

In *Hepatide hypochondrio* dextro subest dolor, inter premendum acerbior factus, et in *claviculam* et supremum dextrum humerum vergens : Difficultas spirandi minor : In sinistrum latus decumbi

cumbi vix potest : Tussis fere semper sicca : Vomitus, singultus admodum molesti.

Inter *Peripneumoniam notham* et *Pneumoniam*, habitus corporis et aegroti aetas optime distinguunt. *Peripneumonia notha* in senes, debiles, et qui laxiore sint corporis habitu, aut qui gravedinibus et distillationibus sint obnoxii, aut qui liquoribus *spirituosis* liberius utantur, impetum facit. Caeterum *pyrexiae* signa in hoc morbo multo leviora, et calor plerumque haud multum auctus : Tussis etiam et dolor lateris minus, quam in *Pneumonia*, vexant.

Inflammatiō cordis *Pneumoniam* plerumque comitatur, quorum morborum eadem fere signa et remedia, nisi quod in hac inflammatione, quam adesse palpitatio et *syncope* testantur, remedia diligentius sunt adhibenda.

## CAUSÆ REMOTÆ.

*Praedisponentes*.—Status quidam et habitus corporis, aetas, sexus, thoracis confirmatio, *Pneumoniae* causae praedisponentes praecipue sunt habendae.

Robusti et pleni huic morbo maxime patent.

Saevissime et saepissime corripit *Pneumonia*, qui lauto nimis artibusque coquinariis et convivalibus victu corrupto, aut carnibus sale conditis fumoque duratis nimium crebro utuntur, aut qui liquoribus *spirituosis*, praecipue spiritu vini Gallico, (*Brandy* vulgo dicto) nimis sibi indulserunt. Hinc venatores, milites, rustici, et, ut ex poeta Sydenhamus,

“ Multo jam fracti membra labore \*,”

in hunc morbum incidunt. Nullum genus hominum ab impetu *Pneumoniae* fatis tutum. Virile tamen genus, potius quam muliebre, et jam adultos, potius quam senes adoritur. Quare tamen viris magis quam foeminis vim inferat *Pneumonia*, in promptu causa: Viris, quippe robustiore sunt corpore, et causis excitantibus opportuniores. Foeminae, si correptae sint, multo gravius affici dicuntur.

Qui *Pneumonia*, *asthmate* etiam sive angina, semel laborarunt; vel nimis angusta thoracis conformatione praediti, ii facilius, praesertim, ut ait poeta,

“ Incertis mensibus anni \*, ”

hoc est, vere et autumno, hoc morbo implicantur.

*Excitantes.*—De causis excitantibus, superest

ut

\* Virg. Georg.

ut nonnihil dicamus. Inter has locum certe primum tenet frigus \* : Si aëre frigido, vel aqua frigida corpus qualicunque de causa prius calefactum excipitur. Inter causas excitantes etiam sunt exhalationes acres et astringentes, quibus affecti sunt pulmones. Intemperantia circa victum. Derique id omne, sive currendo, sive vociferando, sive modo alio quo cunque id fit, unde crebrius violentiusque pulmones exercitantur.

## CAUSA

\* “Causa evidens externa febrium quamplurimarum  
 “inde petenda est, quod quis scilicet vel praematurius  
 “vestes abjecerit; vel ab exercitio incalescens se frigori in-  
 “cautius exposuerit; unde poris subito occlusis, retentis-  
 “que iis halitibus, quibus alias per cutis spiracula pate-  
 “bat exitus, haec vel illa febris species in sanguine suc-  
 “cenditur, prout vel generalis constitutio, quae tum tem-  
 “poris obtinet, vel particulares humorum dyscrasiae in  
 “hanc vel illam febris speciem potentius determinaverint.  
 “Et sane existimo, plures modo jam designato, quam *Peste*,  
 “*Gladio* atque *Fame* simul omnibus perire.”—*Syden. Opera.*



## CAUSA PROXIMA.

De causa proxima medici multum certaverunt, et adhuc sub iudice lis est. Diversas auctorum hac de re sententias afferre ratio nostrae brevitatis haud patitur. Obstructio, error loci, sanguinis praeter naturam visciditas, et complures aliae causae a medicis hinc inde agitatae fuisse, quae tamen minus comprobatae sunt. Inflammationis tamen ea demum pro causa proxima ubique hodie agnoscitur, quae celeberrimo Culleno, aliis tamen in omnibus non aequae, placuit, *spasmus* nempe in arteriis extremis, unde per earum cursum actio adaucta provehitur. Huic rei quidem fidem facere videntur, tum cutis siccitas per totum morbum duratura, tum etiam medendi ratio, quam iis remediis quae *spasmodum* solvunt, ut sanguine misso, emplastris

C quae

quae extrahunt, quae et *επισπαστικά* nominantur; et similibus, medici maxime moliuntur. Ex debilitate tamen, quoniam quae densiora esse oportet, relaxat, et ex ea aegrae partis confectione, diversorum hujus morbi signorum, non secus ac aliarum inflammationum, ratio rectius forte est petenda.

#### DE PNEUMONIAE TERMINATIONIBUS.

Praeter terminationes omnibus inflammationibus communes, quae sunt resolutio, suppuratio et gangraena, hanc insuper peculiarem sibi habere videtur *Pneumonia*, quod sanguinis tenuiores partes et sanguinem ipsum in vasa pulmonum effundit, unde per pulmones libero aëris et sanguinis cursu impedito, statim strangulatur aeger. Haec *Pneumoniae* terminatio communis, cum exitus funestior et minus laetus. De terminatione ejus varia pauca differere licet.



Si remedia laudata mature satis adhibentur, resolutio plerumque locum habet. Qui exitus quidem laetior, et in omnibus inflammationibus internis est optandus. Praeit \* vulgo, vel potius comitatur, manifesta quaedam evacuatio: Vel enim aeger saepius faciliusque aliquid aut crassum

\* “ Sanatur resolutione benigna; si temperies laxa, humor blandus, viscositas non nimia, pars affecta bronchialis, vel pulmonalis non magna. Sputo cito, libero, copioso, flavo cum paucis sanguine misto, satis crasso, dolorem sedante, respirationem emendante, pulsum ampliore et pleniore reddente, in album blandum cito mutato; id fit si sedes mali imprimis est bronchialis arteria, aut pulmonalis non valde magna. Alvi fluxu bilioso, levante, et similia fere ac sputa descripta, ejiciente. Urina copiosa, crassa, hypostatica, levante, cum sedimento primo rubro, sensim albescente, ante septimum diem emissâ. Atque tum respiratio adest facilis, febris mitis et boni moris, ἀδυσία, calor, humiditas, laxitas, mollities, aequales toto corpore.”——Boerb. Aphorif.

sum aut sanguinolentum excreat, vel urinam crassio rem et albidam reddit: Vel sudores largiores aequalioresque toto corpore fluunt; Vel denique ex naribus sanguinis fluxus, aut cita alvus obtinent. Interea *pyrexia* aliaque graviora signa mitescunt. De tempore tamen resolutionis et suppurationis *Pneumoniae*, nequid certi et universale tradi potest; utpote cum ex violentia morbi, ex statu et sexu laborantis, ex rebus aliis incertis quamplurimis pendeant: Frequentius tamen obtinet resolutio die septimo.

Si vero ad duodecimum vel decimum quartum diem sine ullo resolutionis indicio duraverit morbus, vel si excreare subito desierit aeger, vel si horrores frigidi, tussis sicca, spiritus difficultas, adfuerint, suppuratio est multum timenda. Quum vero dolor subito remiserit, si vespertina febrilis accessio fuerit, et in parte dolente gravioris ponderis sensus, scire licet, suppu-

rationem

rationem jam esse coeptam \*. Subit febris *hectica* ; perit aeger. Si in vasa pulmonum tenuiores sanguinis partes, vel sanguis ipse, vel etiam pus affatim prorsus effunditur, suffocatur aeger, si vero modice, expuit interdum, et cito convalescit : Quemadmodum docet Tissot, “ Si  
 “ l’ouverture est petite de façon qu’il ne puisse  
 “ sortir que peu de pus á la fois, si la quantité  
 “ totale de pus n’est pas considérable, si le malade est encore fort, il crache ce pus et se  
 “ trouve soulagé. Mais si la vomique est considérable, ou si l’ouverture est grande, et qu’il  
 “ se répande une grande quantité de pus á la  
 “ fois, ou si le malade est tres foible, il meurt  
 “ dans

\* “ Fieri autem jam re ipsa cognoscimus per hæc.  
 “ Ubi leves, vagæ, sæpe repetentes, sine manifesta causa  
 “ horripilationes contingunt ; dolor remittit ; dyspnoea  
 “ manet ; genæ et labia rubent ; sitis adest ; febricula  
 “ vexat, imprimis vespertina ; pulsus debilis mollisque.”—

“ dans le moment ou la vomique s’ouvre et cela  
 “ quelquefois lors qu’on s’y attend le moins †.”

Haec *Pneumoniae* terminatio evenit, quum jam diu non excreaverit aeger, si spirandi difficultas et in parte dolente sensus ponderis aegre ferendus adsint.

*Pneumoniae* gangraena rarius est exitus, nisi effusio sanguinis simul obtinet.

## RATIO SIGNORUM.

Inter causas excitantes longe frequentissimam esse frigus diximus, quod corpore exceptum sudorem subito impedit, et in corpus internum vergens *pyrexiam* facit.

*Dyspnœa* ad duas causas referenda esse videtur: Partim ad sanguinis congestionem in pulmonibus,

† Avis au Peuple.

monibus, quae aëris liberum cursum per ipsos impedit, et id crebrioribus respirandi conatibus pulmones rependere moliuntur: Partim ad lateris dolorem, qui inter spiritum plenius ducendum intenditur semper: Quo violentiores hae causae sunt, eo magis spirandi difficultas urget.

Tussis partim causis jam enumeratis, utpote quae spiritus difficultatem faciant, partim humoribus ex glandulis *bronchialibus* oriundis tribuenda est; qui scilicet fufius secreti, et nimium acrimoniae cujusdam peculiaris habentes, vasa pulmonum irritant tussimque gignunt.

Ex distentione vasorum tunicarum, et ex sanguinis majore et copia et impetu, oriundum esse dolorem judicare licet. Quod vero haud sine dolore cubare possit aeger, ex inflammatione pulmonum provenire censendum: Si fibram al-

teram

teram inflammatio occupat, in latus fanum, si utramque in dorsum, sese tantum reponere datur.

Rubra facies, rubrique oculi, dolor etiam capitis tum congestioni sanguinis in pulmonibus, unde liberior sanguinis reditus a capite impeditur, tum etiam cordis arteriarumque viribus nimis citis tribuitur.

### P R O G N O S I S.

Propter summam pulmonum utilitatem, et eximium in corpore humano usum, laboranti periculum *Pneumoniam* semper facessere satis patet. Quanquam ex initiis omnino laetis, exitus interdum prorsus tristes *Pneumonia* habeat, attamen vix alius est morbus qui aut promptius remedia patitur, aut iisdem facilius cedit, quam haec ipsa *Pneumonia*; adeo ut ipsis faucibus lethi ereptus,

ereptus, aeger sanitatem medicinae viribus acceptam referat.

Tussis sicca violenta, spirandi maxima difficultas ut vix et ne vix quidem nisi bene, rectus spirare possit aeger, sudores cum facie tumida et rubente, caput collumque occupantes, debilitas magna, dolor erratus, delirium, infaustum exitum indicant. Contra tamen, si febris, si dolor lateris, et si qua alia mala jam memorata, minus urgent, praesertim si tussis etiam copiosam, crassam et cruentam pituitam citat \*, exitus laetiores fore significant.

D

RATIO

\* “ Αἷματι δὲ ζυμμευγμένον καὶ πολλῶν πύελον ξανθὸν ἐν τοῖσι περιπνευμονικοῖσιν, ἐν ἀρχῇ μὲν τῆς νόσου, πύομενον περιισηκόν, καὶ καρτὰ ὠφελεῖ.”—*Hippocr. Prognost.*



## RATIO MEDENDI.

Consilia *Pneumoniae* medendi sunt,

Resolutionem inducere :

Excreationes pectoris purgare, facilesque facere :

Omnia quae irritant cavere :

Sub finem morbi viribus aegroti consulere.

Ad resolutionem tamen obtinendam, causae remotae, si quae adsint tollendae, quales sunt frigus, vapores acres, pulmonum exercitationes crebriores, et quas alias causas excitantes supra memoravimus. Impetus sanguinis adauctus per totum corpus potissimum vero per pulmones est imminuendus, quam rem certe sanguinis detractio matura, copiosa et repetita maxime juvat. Quantum vero sanguinis, quotiesve mitti possit,



possit, dictu difficile, vel potius dici nequit. Quid vero hac in re agendum, ipsa morbi indoles, corporis habitus, aegroti consuetudo viresque optime constituere videntur. Ter quaterve sanguinem mittere plerumque satis erit, si prima aut secunda copiosior detractio fuerit: Immo et laborantibus quibusdam sanguinem copiosius semel detractum graviora signa levasse satis notum. Si vero redierit spirandi difficultas: Si redierit dolor lateris, ad hoc remedium iterum iterumque recurrere proderit. “Nemo enim  
“ nemo profecto saevissimum et insidiosissimum  
“ hunc hostem serio glorioseque triumphaverit,  
“ nisi stricto ferro, vulnereque aliquoties in-  
“ flicto res strenue agatur, victoriaque fuerit  
“ admodum cruenta. Nam nihil nisi *sanguis*  
“ *redimat populos*, ut cum Lucano loquar \*.”  
Nec defuerunt medici praesertim apud antiquos, qui in *Pneumonia* non secus ac in aliis inflamm-

mationibus

\* Trillerus de Pleuritide.

mationibus febribusque, ne satis ante fluxisse, quam anima deficiat, praecepere. “Hoc autem, (ut ait noster Professor Gregorius) quamvis insigniter aliquando prodesse poterit, rarissime tentandum est; salutares enim effectus talis animi defectionis minime certi aut perpetui sunt; ipsaque suo incommodo et sane periculo interdum non caret \*.”

Sydenhamus medicorum maxime inclytus et accuratissimus sanguinem in *Pneumonia* ad uncias quadraginta detrahendum statuit, quanquam in hac re nulla certa regula tradi potest. Si vero sanguis missus vires aegroto adeo subduxerit, ut ulterius mitti periculosius jam esset, nec interea mitescere morbus coeperit, cucurbitulae cruentae, hirudines, fomenta, malagmata, partibus dolentibus admota utilia erunt: Utiliora his tamen emplastra ad extrahendum: Eoque magis si post sanguinem semel iterumve missum

adhibita.

adhibita. “ Sanguis post quartum vel quintum  
“ diem non detrahendus, nisi venaesectionem  
“ nova deposcunt symptomata; quia suppura-  
“ tionem jam inceptam impedit \*.”

Ut ex facili excreet aeger varia variis tempo-  
ribus excogitarunt medici. *Gummi ammoniacum*,  
*scillae* radicem, aliaque hujusmodi quam plurima  
praecepere nonnulli. Quae tamen omnia mini-  
me profuisse inveniuntur. Aquae etiam calidae,  
cui aliquid aceti sit immistum, vapores pulmo-  
nibus exceptos laudavere plurimi. Sed reme-  
dia hujus generis efficacissima sunt, quae vom-  
itum faciunt, qualia praecipue sunt *antimonium*  
*tartarizatum* et *ipecacuana* parvis portionibus  
adhibita, et circa finem morbi non tuto magis  
quam commode dantur.

Tussim maxime pendere ab acriori materia

ex

\* Hom. Principia.

ex glandulis *bronchialibus* secreta supra memoravimus: Sublata itaque acrimonia, tussim suppressi patet. In hunc finem oleosa aliaque medicamenta quae leniunt maxime et molliunt, sunt adhibenda.

Si corpus sponte insudat. signis lenioribus insuper visis, sudorem tenuibus et dilutis potionibus, calore externo vitato aliisque stimulis omis- sis, adjuvare licet: Alioquin medicamentis quae sudorem movent in Pneumonia tutius abstinendum.

Omni quod irritat, manente morbo, summo studio est vitandum: Pulmonibus nihil magis inimicum quam durior exercitatio quae loquendo dicendove fit, quippe quae pulmones jam inflammatos stimulat prorsus et pungit. Cibis vero quam maxime tenuis, refrigerans, leviorisque etiam succi esse debet: Victus omnis cras-

fior alienus; carnibus, quae quo pinguiiores sunt, eo peiores, liquoribus etiam fermentatis et *spirituosis* aegrotantibus interdicare oportet. Conclavi recenti ab auris uti decet. “Fenestrae  
“ (ait Trillerus) frequenter per diem nonnihil  
“ aperiundae sunt, sudo imprimis et clementiore  
“ coelo, quo aër purior, salubrior, et frigidior  
“ paullo intromittatur, ne miseri aegroti putrida  
“ sua atmosphaera circumfusi, sordidas suas  
“ exhalationes continuo inspirando et resorbendo  
“ suffocentur tandem et in vivum quasi cadaver  
“ commutentur †.” Calorem vero conclavis oportere non esse ultra gradum sexagesimum in *thermometro Fabrenheiteano* observat Cullenus.

Per totum morbum alvus solutior esse debet, quae ut astricta ne sit, iis quae molliunt, laxant et refrigerant, est injicienda.

Ad

† De Pleuritide.

Ad sitim sedandam, quae, durante morbo, aegrum plerumque male habet, potionibus acidis, *tamarindis* etiam et pomis, aliisque fructibus acidulo sapore utendum est.

De usu opii in *Pneumonia* varia medicorum est sententia. Ab initio certe morbi, utpote quod tum noceat, abesse debet. “ But in a “ more advanced state of the disease,” ut summi illius viri reique medicae peritissimi verbis utar, “ when the difficulty of breathing has “ abated, and when the urgent symptom is a “ cough, proving the chief cause of the continuance of the pain and of the want of sleep, “ opiates may be employed with great advantage and safety †.”

Ad finem morbi cum jam abierint signa inflammationis, et ob plurima morbi mala summa debilitate

† Cullen's First Lines.